



**CONCELLO DE XERMADE**  
Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

## **ACTA DA SESIÓN ORDINARIA DO CONCELLO PLENO CELEBRADA O DÍA ONCE DE AGOSTO DE DOUS MIL DEZASEIS .**

### **ASISTENTES:**

#### **Presidente:**

D. Roberto García Pernas.

#### **Concelleiros:**

D. José Prieto Barro.  
D. Luis A. Vilasuso Seco  
D. Carlos Alberto Guerra González.  
D<sup>a</sup> Tamara Paz Balsa.  
D. Antonio Riveira Requeijo  
D. Mario Felix García Prieto  
Dna. Isabel Campello Ares.  
D. Luis Otero Paz  
D. Óscar González Pardo  
Dna. María do Mar Hermida Pico

No salón de sesións da Casa do Concello de Xermade, sendo as vinte horas e do día once de agosto de dous mil dezaseis, xúntanse, en cumprimento do disposto nos artigos 195 da Lei Orgánica 5/1985 de 19 de xuño de Réxime Electoral Xeral e art. 37.1 do Regulamento de Organización, Funcionamento e Réxime Xurídico das Corporacións Locais, aprobado por RD 2568/86 de 28 de novembro, en sesión ordinaria, primeira convocatoria, previamente convocados para o efecto, os concelleiros/as electos/as relacionados/as na marxe, co obxecto de celebrar sesión ordinaria.

Foron asistidos polo Secretario accidental do Concello, D. Ernesto Ares Yáñez.

#### **Secretaria- Interventora:**

D. Ernesto Ares Yáñez.

### **1.- APROBACIÓN DO BORRADOR DA ACTA DA SESIÓN ANTERIOR.**

O Sr. Alcalde preguntalles aos señores concelleiros se desexan realizar algunha observación sobre o borrador da acta da sesión anterior de carácter ordinario, de data 9 de xuño de 2016 .

A concelleira do BNG, M<sup>a</sup> do Mar Hermida, pregunta por qué están tardando tanto as actas en chegarlles aos concelleiros, ao que o Alcalde responde que “a secretaria está a ter moito traballo”

O voceiro do BNG, Óscar González Pardo, fai unha observación ao borrador da acta: “non se recolle unha pregunta que fixemos referente ao PXOM”, pregunta que chegou por e-mail.

Non formulándose máis observacións ao borrador da acta procédese á votación, e a mesma resulta aprobada por unanimidade dos concelleiros asistentes.



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

**2.- RESOLUCIÓNS DA ALCALDÍA E INFORMES .**

1º De conformidade do disposto no artigo 42 do Real Decreto 2568/86 do 28 de novembro, polo que se aproba o regulamento de organización, funcionamento e réxime xurídico das entidades locais, dáse conta aos concelleiros da Resolucións da Alcaldía ditadas entre os días 07/06/2016 ata o 04/08/2016 (nº 164 ao 240 incluídos).

2º. Por parte da Secretaría-Intervención da Concello ponse en coñecemento do Pleno:

- Con data 15 de xullo de 2016 remitíronse os datos relativos ao 2º T do PMP, de conformidade co artigo 4.1b da Orde HAP/2015/2012 de 1 de outubro, pola que se desenvolven as obrigas de subministro de información previstas na LO 2/2012 de 27 abril, de Estabilidade Orzamentaria e Sostenibilidade Financeira e de conformidade co establecido na DT única do RD 635/2014 de 25 de xullo, polo que se desenvolve a metodoloxía de cálculo do período medio de pago a provedores das administracións públicas, e as condicións e o procedemento de retención de recursos dos réximes de financiamento, previstos na LO 2/2012 de 27 de abril de estabilidade orzamentaria e sostenibilidade financeira.
- Con data 15 de xullo de 2016 remitiuse a execución trimestral do orzamento, 2ºT do 2016, cumprindo ca estabilidade orzamentaria e ca regra do gasto.

A Corporación dáse por enterada.

**3.- APROBACIÓN CONTA XERAL 2015.**

O Sr. Alcalde explica o procedemento a seguir para a aprobación da Conta Xeral, indicando que a mesma foi ditaminada favorablemente pola Comisión de Contas e Facenda de data 30 de maio de 2016; exposta ó público e publicada no Boletín Oficial da Provincia de Lugo nº 132, de data 9 de xuño, e non houbo alegacións no prazo de exposición ó público.

Sométese o asunto a votación:

Votos a favor: 9; 5 do PSOE e 4 do PP

Votos en contra: 0

Abstencións: 2 do BNG

**4.-FESTIVOS LOCAIS PARA 2017**

**PROPOSTA DA ALCALDÍA**

Visto o escrito que a esta Alcaldía dirixe o xefe territorial da Consellería de Traballo e Benestar, no que interesa que antes do próximo 30 de setembro do actual ano se determine polo concello os dous días festivos locais para o ano 2017, non coincidindo ningún destes en domingos nin en ningún dos días sinalados como festivos autonómicos ou de ámbito estatal, propoño que polo pleno da corporación se adopte o seguinte acordo:



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

PRIMEIRO: Fixar para a anualidade 2017 como días festivos locais:

- 28 de febreiro ( martes de Entroido)
- 7 de agosto (luns de Sta. María)

Aberta a quenda de intervencións, por parte da concelleira do BNG, M<sup>a</sup> do Mar Hermida, sinala que o día 7 de agosto, día escollido por ser ese fin de semana as festas patronais da parroquia de Santa María de Xermade, só beneficia aos do Pedreiro e non a todo o concello, polo que habería que escoller outro día máis representativo.

O Sr. Antonio Riveira, voceiro do PP, manifesta que está de acordo con que se escolla o día sinalado (7 de agosto para o 2017).

Sométese a votación a proposta có seguinte resultado:

Fotos a favor 9, 5 votos do PSOE e 4 do PP

Fotos en contra: 0

Abstencións: 2 do BNG

### 5.- MOCIÓNS.-

En data 5 de agosto de 2016, rexistro nº 1081, tivo entrada a seguinte moción do BNG municipal:

*Óscar González Pardo e M<sup>o</sup> do Mar Hermida Pico*, en calidade de Concelleiros do BLOQUE NACIONALISTA GALEGO, en base á lexislación vixente presentan a seguinte

**MOCIÓN para a creación de axudas ás familias para facilitar a incorporación e continuación da vida escolar das nenas e nenos do concello.**

#### *Exposición de motivos.-*

Ante o deterioro que está sufrindo o ensino público, a falta de axudas e as dificultades que as familias encontran para afrontar o inicio do curso escolar tanto na compra dos libros como do material escolar, dende o BNG queremos que todas as nenas e nenos do concello poidan ter as mesmas oportunidades e que as familias asuman os menos custos posibles (dado que se trata dun ensino público e gratuito).

A isto hai que sumar a diminución, cada vez maior, de axudas e apoio ao ensino público e os cambios continuos de leis e de currículo escolar. Esta situación tamén se ve agravada polo imposibilidade de reutilizar os libros dun ano para outro.

Por todo isto, o grupo municipal do BNG solicita do pleno da corporación municipal a adopción do seguinte

#### **Acordo**

Que a concellaría de cultura habilite un plan de axudas para o curso 2016/2017 e seguintes a partir dunhas bases aprobadas en Pleno e dos seguintes puntos:

- a) A creación inmediata dun banco de libros.
- b) Dotación dunha partida orzamentaria de axudas para sufragar o custo dos libros e do material escolar en todos os ámbitos do ensino público.
- c) Dotación dunha partida orzamentaria de axudas ao transporte público en caso de que as



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

**persas residentes en Xermade se teñan que desprazar a outro concello para continuar os seus estudos.**

Toma a palabra o Sr Alcalde e propón deixar a moción para o seguinte pleno, que será a finais de agosto, cando se teñan que elixir aos representantes das mesas electorais, e pídelles aos concelleiros do BNG que sexan máis concisos.

A concelleira M<sup>o</sup> do Mar contesta que é urxente tomar unha decisión, xa que o comezo do curso escolar está moi cerca.

O alcalde contesta que hai que estudiala en profundidade, ao que a concelleira M<sup>o</sup> do Mar contesta que iso sería un paso posterior, que o que propoñen é aprobala e despois proceder á súa elaboración.

O voceiro do PP, Antonio Riveira, entende que a moción se pode tratar e aprobar, e as contías e formas xa se fixarán noutro momento. Manifesta que o grupo popular estaría a favor, pero engadiría que se puxeran en ~~de~~ acordo coa Consellería.

O Alcalde di que a secretaria revise a legalidade do acordo, os recursos do concello, así como as cantidades e contías das axudas, os recursos económicos dos proxenitores, para que as axudas cheguen a quen realmente o necesitan.

A concelleira do BNG, M<sup>o</sup> do Mar pregunta ao SR Alcalde se recibiu as preguntas do seu grupo por e-mail, ao que o Alcalde responde que sí.

De seguido, a concelleira M<sup>o</sup> do Mar fai a seguinte declaración: “que conste en acta que mentras non teñamos unha contestación oficial, o medio de comunicarnos co Concello tamén é o e-mail”. Manifesta que no anterior pleno non o consideraron oportuno esta forma de comunicación.

Polo tanto, sometida a votación , a moción resulta aprobada por unanimidade dos concelleiros e concelleiras presentes.

## **6.- ROGOS E PREGUNTAS**

➤ Polo **grupo municipal do PP** en data 1 de xullo de 2016 e RE 921 formula o seguinte rogo:

**1.- Don Antonio Riveira Requeijo**, voceiro do **grupo municipal do Partido Popular de Xermade**, ao abeiro da lexislación vixente presenta o seguinte rogo para que sexa atendido polo goberno do Concello de Xermade

### **EXPOSICIÓN DE MOTIVOS**

A Deputación Provincial de Lugo aprobou os presupostos para o ano 2016 co apoio do grupo do Partido Popular. Nese senso o POS (plan de obras e servizos) foi aprobado con unha aportación por parte da Deputación para o Concello de Xermade por un importe de 61.300,80 euros que cos 15325,20 euros que ten que aportar o Concello supón un total de inversión de 76.626 euros. Esta cantidade supón un importante apoio para o concello e consiguense un reparto mais xusto, o que o grupo municipal do partido popular de Xermade viña reclamando todos estes anos, que



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

coa Deputación presidida por Gómez Besteiro negaba as axudas directas ós concellos e facía un reparto sectorial dos cartos que deberían revertir nos concellos.

Na realización do obras do POS débese atender ás necesidades dos veciños do Concello de Xermade e o grupo de goberno do Concello de Xermade non debe esquecer que o pleno do Concello do día 11 de febreiro de 2.016, para a aprobación do presuposto, tivo en conta a proposta do Grupo Municipal Popular, consistente, entre outras que o equipo de goberno non acometeu, en mellora de viais en Vesura (Miraz), Tras da Amosa, Carba e Garrona (Lousada), Reguengo (Cabreiros), Castiñeira, Seixo, (Cazás), Pandiñas (Piñeiro), Barreiras a Graña (Roupar), Parragueiras (Xermade), Zaipa (Xermade a Piñeiro), Badoi (Burgás), Pedregosas (Candamil).

**ROGO**

Que o equipo de goberno xestione coa máxima celeridade a redacción, contratación, adxudicación e realización do proxecto para a POS 2016.

Que teña en conta as propostas realizadas polo Grupo Popular e aprobadas en pleno do Concello.

O voceiro do PP, Antonio Riveira, comenta que ningún dos puntos se vai cumprir.

O Sr Alcalde contesta que se van facer, que se van a bachear todas as pistas.

➤ Polo grupo municipal do BNG con data 5 de agosto de 2016 e RE 1082 formula os seguintes rogos:

2.- **ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** fórmulanlle a Vde., para que sexa atendido no vindeiro Pleno da Corporación Municipal, o seguinte

**ROGO**

*Exposición de motivos:*

Vimos observando que os traballos que se están levando a cabo co tractor-desbrozador, propiedade do concello, os están efectuando os dous peóns contratados a través do Fondo de compensación medioambiental. Non dubidamos nin da capacidade nin da súa preparación mais non se corresponden coa finalidade para a que foron contratados. Estes traballos que se fan co tractor-desbrozador corresponde cunha categoría laboral diferente, cando menos, oficial condutor.

Polo exposto, o noso grupo presenta o seguinte ROGO:

- **Que se lles aboen a estas dúas persoas os días traballados nese posto, diferente categoría para a que realmente foron contratados.**
- **Que se contrate, para cumprir a lexislación vixente, un posto coa categoría correspondente para efectuar estes labores.**

O Sr Alcalde contesta que conducen o tractor puntualmente, que realizan outras tarefas.



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

A concelleira M<sup>o</sup> do Mar di que ultimamente os está a ver continuamente no tractor. Que o seu grupo informouse cun sindicato e creen que non están contratados de maneira correcta.

O concelleiro José Prieto intervén dicindo que él tamén se informou nun sindicato e que, polo exposto polo Sr Alcalde, poden estar contratados como peóns e puntualmente manexar ese tipo de maquinaria.

➤ 3.- Polo **grupo municipal do BNG** con data 10 de agosto de 2016 e RE 1105 formula os seguintes rogos:

**ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, o seguinte

**ROGO**

**Exposición de motivos:**

*Un ano máis tiveron lugar durante a celebración dos festexos de Nosa Señora na parroquia do Pedreiro, importantes estragos no parque municipal situado na parte posterior da biblioteca. O grupo municipal do BNG pediu en anos anteriores ó concello que este solicitase á Garda Civil un incremento da vixilancia na zona para evitar estragos.*

*Polo exposto, formulamos o seguinte rogo:*

- **Visto que isto non funciona solicitamos ó concello a contratación dun garda de seguridade durante as noites dos festexos.**

O Sr alcalde contesta que lles comentaron que se produciran antes das festas.

O voceiro do BNG, Óscar González, di que os desperfectos foron provocados o sábado. Comenta deseguido que a Garda Civil ten pouco persoal, no verán nótase aínda máis, e que lles gustaría que se enviase un escrito solicitando máis dotación.

O Sr Alcalde contesta que o estudará.

➤ 4.- Polo **grupo municipal do BNG** con data 10 de agosto de 2016 e RE 1106 formula os seguintes rogos:

**ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, o seguinte

**ROGO**

**Exposición de motivos:**



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

*No pleno do pasado mes de xuño e motivado por unhas inoportunas declaracións no diario La Voz de Galicia do señor alcalde no que tachaba ó BNG de críticos por sistema, o noso grupo político solicitou a esta alcaldía que a partir da data (9 de Xuño) se dirixise a nós por ESCRITO, en TEMPO e FORMA e as xuntanzas que levasemos a cabo fosen de carácter OFICIAL e en PRESENCIA da SECRETARIA INTERVENTORA do concello.*

*Xuntanzas por outra banda, sen entrar en que fosen oficiais, vía ben algún membro do grupo de goberno.*

*Sobra dicir que estas xuntanzas non tiveron lugar nos dous meses que pasaron dende o pleno senón que ademais o señor alcalde aproveitou o seu tempo de lecer nunha sesión Vermú nunha parroquia veciña para poñernos ó tanto de subvencións e axudas solicitadas e concedidas na Deputación.*

*Polo exposto, formulamos o seguinte rogo:*

- **Solicitamos que deixe de mofarse do noso grupo e nos informe da actualidade municipal no lugar adecuado.**

O Sr Alcalde contesta que a secretaria lle respostou que ela non tiña que estar presente para dar fé nese tipo de reunións. Tamén comenta que él non se ri nin lle gusta meterse con naide, polo que no se da por aludido no tema de mofarse de ninguén.

➤ **5.- Polo grupo municipal do BNG** con data 11 de agosto de 2016 e RE 1113 formula os seguintes rogos:

**OSCAR GÓNZALEZ PARDO E MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO**, formúlanlle a Vostede para que sexa atendido no vindeiro Pleno da Corporación Municipal o seguinte

**ROGO**

**Exposición de motivos:**

Nas bases de adjudicación das parcelas da 2ª fase do Polígono Industrial de Xermade indicábase entre outros o seguinte parágrafo: *“tódolos adxudicatarios das parcelas deberán solicitar a licenza de obra no prazo máximo dun ano e construír as instalacións no prazo máximo de 3 anos. De non ser así a empresa perderá a parcela, que volverá a mans da Consellería previo pago do prezo orixinal de venda cunha penalización do 20%. Tamén é motivo de reversión da parcela a súa utilización cunha finalidade diferente da que motivou a adjudicación no concurso de venda.”*

Ante a aparición de nova publicidade para a venda das parcelas baleiras do polígono industrial de Xermade e para evitar que se negocie de forma fraudulenta con estas parcelas,

*este GRUPO POLÍTICO formula o seguinte ROGO:*

- **“Que a Alcaldía realice as xestións oportunas diante da Consellería de Medio**



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

**Ambiente, Territorio e Infraestruturas para que faga cumprir o contrato de venda da 2ª fase do Polígono Industrial de Xermade, e así volver a dispoñer das parcelas nas que os propietarios incumpraran as bases de adxudicación, e poidan ser postas a disposición de posibles emprendedores que queiran establecer a súa actividade industrial no noso Concello”.**

- **Contemplar a posibilidade da cesión ao concello co compromiso da creación dun viveiro de empresas para que as persoas emprendedoras dispoñan dun local para poder iniciar a súa actividade.**

O Sr Alcalde contesta que estudiará o tema e mirará o que se pode facer.

**PREGUNTAS:**

➤ 1.- Polo **grupo municipal do BNG** con data 10 de agosto de 2016 e RE 1096 formula a seguinte pregunta:

ÓSCAR GONZÁLEZ PARDO e MARÍA DO MAR HERMIDA PICO, en calidade de Concelleiros do BLOQUE NACIONALISTA GALEGO fórmulanlle a Vde., para que sexa atendido no vindeiro Pleno da Corporación Municipal, as seguintes

**PREGUNTAS**

*Exposición de motivos:*

Despois de varios meses con problemas de presenza de residuos na auga municipal que afectan principalmente á parroquia de Roupar.

Polo exposto, o noso grupo fórmulle as seguintes preguntas:

- **A que é debido o problema?**
- **Existe solución ó mesmo?**
- **É potable a auga?**
- **Cómo está a afectar a falta de precipitacións ós mananciais onde se capta a auga municipal?**

O Sr alcalde resposta que non se sabe onde está o problema. Di que veu un técnico e que está investigando onde pode estar a orixe. Dí tamén que se fixeron analíticas e a auga é potable.

O voceiro do BNG solicita ditas analíticas.

O voceiro do PP, Antonio Riveira cometa que hai máis zonas con sedimentos.

A concelleira do PP, Isabel Campello di que se avise aos veciños afectados.

➤ 2.- Polo **grupo municipal do BNG** con data 10 de agosto de 2016 e RE 1097 formula a seguinte pregunta:

ÓSCAR GONZÁLEZ PARDO e MARÍA DO MAR HERMIDA PICO, en calidade de



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, as seguintes

### PREGUNTAS

#### Exposición de motivos:

Fai arredor de dous meses publicouse no xornal La voz de Galicia que o concello de Xermade destinaria 1110000 ó arranxo de pistas municipais.



Polo exposto, o noso grupo formúlalle as seguintes preguntas:

- **A día de hoxe, dous meses despois, e co verán case pasado non comezaron as obras de bacheo e arranxo de pistas, cando ten pensado levalas a cabo?**
- **Ten pensado acometer obras noutras demandadas polo noso grupo como a das Parragueiras, Besura, Xemaré-Cabadas?**

O Sr alcalde resposta que empezaron no Uzal, e que van asfaltar para a semana. As outras pistas intentarán facelas canto antes.

➤ 3.- Polo grupo municipal do BNG con data 10 de agosto de 2016 e RE 1098 formula a seguinte pregunta:

**ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, as seguintes

### PREGUNTAS

#### Exposición de motivos:



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

. Dous meses despois de que o BNG pedise ó grupo de goberno socialista que se retirase da beirarrúa un colector de vidro no Pedreiro e arredor de tres anos despois de que fixese a mesma petición ó grupo de goberno Popular daquel entón; finalmente tivo lugar o cambio de emprazamento do colector.

Polo exposto, o noso grupo formúlalle as seguintes **preguntas**:

- **Con qué se levou a cabo o cambio de emprazamento?**

O voceiro do BNG engade que hai outros que tamén molestan.

O Sr alcalde resposta que se cambiaron co tractor, e que os outros tamén teñen pensado cambialos.

O voceiro do BNG di que o brazo do tractor non é para realizar eses traballos.

➤ 4.- Polo **grupo municipal do BNG** con data 10 de agosto de 2016 e RE 1099 formula a seguinte pregunta:

**ÓSCAR GONZÁLEZ PARDO** e **MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, as seguintes

**PREGUNTAS**

*Exposición de motivos:*

Nunha entrevista ó señor alcalde publicada no xornal La voz de Galicia o pasado 22 de maio, coincidindo co seu primeiro ano de goberno, este indicaba que unha das accións das que se sentía máis orgulloso era o inventario de camiños municipais. Tal como aparecía na entrevista podíamos pensar que o inventario xa foi levado a cabo pero ata onde foi informado o noso grupo municipal só tivo lugar a adjudicación do traballo sen saber máis nada do tema ata a data. Por outra banda existen numerosos problemas no concello relacionados coa titularidade dos camiños, algún deles tratado xa neste pleno como é o caso do camiño das Casas Novas.

Polo exposto, o noso grupo formúlalle as seguintes **preguntas**:

- **A día de hoxe, 3 meses despois das declaracións no xornal, como se atopa o inventario de camiños?**
- **No caso do camiño das Casas Novas, onde existe unha sentenza que di que é público, fixo o concello algún trámite para que este fose cando menos aberto de novo e permitise o paso da veciñanza?**



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

O Sr alcalde di que a 1ª empresa á que se lle adxudicou non cumpría os requisitos, e a 2ª empresa renunciou. Engade que a secretaria xa está avisada para axilizar o trámite da nova adxudicación.

Referente ao camiño das Casas Novas o Sr alcalde di que está aberto, e que está con céspede. Constaba como camiño de carro.

O voceiro do BNG cometa que deberíase delimitar, xa que agora parece unha finca privada.

➤ 5.- Polo **grupo municipal do BNG** con data 10 de agosto de 2016 e RE 1100 formula a seguinte pregunta:

**ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, as seguintes

**PREGUNTAS**

*Exposición de motivos:*

Os pasados días 8 e 9 de xullo os integrantes do campo de traballo da Casa da Neveira empregaron 3 vehículos municipais, un deles vehículo de emerxencias, para desprazarse dende o Pedreiro ás festas de Cabreiros.

Polo exposto, o noso grupo formúlalle as seguintes **preguntas**:

- **Estaban autorizados para ese desprazamento?**
- **Considera lóxica esa utilidade para os vehículos municipais cando cada mes moitos dos maiores do noso concello gastan parte das súas pensións en pago de taxis para desprazamentos de primeira necesidade como son as visitas médicas?**

O Sr alcalde resposta que tiñan permiso. O secretario accidental, que é o técnico de emprego, aclara que sí, que tiñan o permiso do concello e que unha das actividades da memoria da solicitude do Campo de Traballo era a participación nas festas populares que tivesen lugar no concello de Xermade.

O concelleiro do Carlos Guerra di que si os veciños e veciñas o necesitan, están de acordo, pódense utilizar para ese fin nun momento dado.

➤ 6.- Polo **grupo municipal do BNG** con data 10 de agosto de 2016 e RE 1101 formula a seguinte pregunta:

**ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, as seguintes



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

**PREGUNTAS**

*Exposición de motivos:*

O pasado sábado 25 de Xuño tivo lugar a proba de triatlón Northwest Trimán que obrigou a cortar a estrada autonómica Lu-861 dende As Pontes ata o Carrizo (Vilalba), véndose afectado o noso concello, en concreto a proba discorreu polas parroquias de Roupar, Cabreiros e Candamil. Sendo esta a terceira edición da proba e co agravante de que tivo lugar un sábado e non un domingo como aconteceu nas anteriores edicións, foron moitos os veciños e veciñas que se viron afectados polo corte da estrada para acudir ós seus traballos, así como as empresas de distribución que nalgúns casos non lograron chegar ós seus clientes.

Polo exposto, o noso grupo formúlalle as seguintes **preguntas**:

- **Dado que o BNG de Xermade leva dende a primeira edición da proba preocupándose polo problema que supón o corte da estrada, fixo algo o equipo de goberno manifestando o seu malestar co corte de tráfico?**
- **Ten pensado esixir á organización da proba que informe á veciñanza en futuras edicións da proba?**
- **Ou no seu defecto ten pensado informar o propio concello en vindeiras edicións?**

O Sr Alcalde di que é a Xunta a que autoriza a proba e o percorrido. Engade que xa lles comunicou telefonicamente que non lle parecía normal ter cortada todo o día a estrada. Hai empresas prexudicadas. Contestaron que avisaran casa por casa e que subministraran dípticos informativos.

En próximas edicións intentaremos dende o concello avisar con maior antelación e difundilo nas redes sociais

➤ 7.- Polo **grupo municipal do BNG** con data 10 de agosto de 2016 e RE 1102 formula a seguinte pregunta:

**ÓSCAR GONZÁLEZ PARDO** e **MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, as seguintes

**PREGUNTAS**

*Exposición de motivos:*

*O pasado 12 de xuño declarou o señor alcalde que ás veces non pode facer o que lle gustaría debido á rara pinza PP-BNG..*



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org



*Polo exposto, o noso grupo formúlalle as seguintes preguntas:*

- **Diga aquí neste pleno da corporación municipal unha soa cousa que non puido levar a cabo debido á pinza PP-BNG?**

O Sr alcalde di que , por exemplo, o orzamento.

A concelleira do BNG resposta que o seu gupo solicitou un plan de necesidades do concello e non se fixo.

O Sr alcalde comenta que moitas veces os periodistas terxiverson o que se di. Que de todos os xeitos tería que revisar as actas para ver o que non lle aprobaron.

➤ **8.- Polo grupo minicipal do BNG con data 10 de agosto de 2016 e RE 1103 formula a seguinte pregunta:**

**ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, as seguintes

**PREGUNTAS**

*Exposición de motivos:*

Nunha entrevista ó señor alcalde publicada no xornal La voz de Galicia o pasado 22 de maio, coincidindo co seu primeiro ano de goberno, este indicaba que unha das accións das que se sentía máis orgulloso era a tramitación do PXOM. Tramitación que ata onde o noso grupo sabe se atopa paralizada á espera de ser adaptada á nova lei do solo.

Por outra banda, no pleno do mes de xuño, tivo lugar por parte do noso grupo a lectura dunhas cuestións sobre o PXOM plantexadas por unha veciña que o señor alcalde se negou a ler por non estar esta censada no concello.



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

Polo exposto, o noso grupo fórmulle as seguintes **preguntas**:

- **A día de hoxe, case un ano despois da aprobación inicial do PXOM neste pleno, cal é a situación do mesmo? En que estado se atopan as alegacións presentadas pola veciñanza?**
- **En relación coas preguntas formuladas no seu momento por unha veciña do concello, son formuladas no día de hoxe polo grupo municipal do BNG con intención de escoitar resposta do señor alcalde, as preguntas son as seguintes:**
  - **Ten previsto adaptar o PXOM integramente á nova lei ou vai continuar a súa tramitación segundo o disposto na lei 9/2002?**
  - **No suposto de levar a cabo unha simple adaptación, ten previsto algunha modificación substancial que requira a correspondente exposición pública?**
  - **Cal é o tempo previsto da suspensión das licenzas?**

1ª. O Sr alcalde resposta que a empresa está revisando as alegacións. Faltan os informes sectoriais, patrimonio e confederación.

2ª O Sr alcalde resposta que claro, é obrigatorio. Haberá que realizar uns pequenos cambios.

As licenzas estarán suspendidas durante 2 anos, mentres non se aprobe. O técnico ofreceuse para explicar como está a tramitación.

➤ 9.- Polo **grupo municipal do PP** formula a seguinte pregunta:

**ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** fórmulanlle a Vde., para que sexa atendido no vindeiro Pleno da Corporación Municipal, as seguintes

**PREGUNTAS**

***Exposición de motivos:***

Na pasada semana saíu no diario El Progreso unha nova referente ó tractor recentemente adquirido polo concello de Xermade anunciando que levaría a cabo o desbroce de 135 hectáreas.



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org



Polo exposto, o noso grupo formúlalle as seguintes **preguntas**:

- Que superficie leva desbrozado ata o momento? Ademais das pistas do concello, que ten pensado desbrozar ata completar as 135 hectáreas?
- Existe algún convenio coa Deputación Provincial polo que o concello está a desbrozar parte das estradas da súa titularidade?
- Cal é o motivo polo que a semana do 18 ó 22 de xullo non estivo operativo?
- Como abastece de combustible ó tractor?

O Sr alcalde contesta que se van desbrozar pistas en Xermade, Piñeiro, Cazás, Miraz. Engade que como a Deputación non veu limpar no seu momento, cando ía ter lugar unha concentración de xente por calquera motivo (festas...), para evitar o perigo producido pola falta de limpeza, desbozouse un pouco. Esos días estivo pasando a ITV o brazo da desbrozadora. O tractor abastécese na gasoleira de Candamil, e xa se lles dixo aos operarios que mercaran unha garrafa homologada para levar gasolina ata onde esté o tractor.

O voceiro do BNG di que hai máis perigo nas pistas e cruces do concello que nas da



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

Deputación.

A concelleira do BNG pregunta que se se vai utilizar tamén o tractor para desbrozar fincas particulares. Engade que a Deputación debería de compensar dalgún xeito ao concello por ter realizado esos traballos que non lle correspondían.

➤ 10.- Polo **grupo municipal do PP** formula as seguintes preguntas orais:

- En qué situación está o expediente de subvencións municipais? O prazo de presentación rematou o 6 de xuño e dous meses despois non se fixo resolución de concesión das mesmas

O Sr alcalde resposta que están para resolvelas estes días.

- Qué sistema emprega para autorizacións de ampliacións de camiños? Fai pagos por pasos? Cómpranlle a madeira?

O Sr alcalde resposta que en Reboredo vano ceder gratuitamente os propietarios. Cortan e levan a madeira.

- Ten algo que ver o concello ou o Sr Alcalde no retraso do expediente de apertura do refuxio de animais?

O Sr alcalde di que non, o concello non ten nada que ver. E pola miña parte tampouco

- Cómo mide as 135 Ha que vai desbrozar o concello hasta setembro nas vías municipais?

O Sr alcalde di que se van desbrozar 135 Km

- Está actuando en todos os casos ante as denuncias de incumprimento de normativa de xestión de biomasa?

O Sr alcalde reposta que vanse tramitar todas as denuncias que veñan. De oficio é difícil facelas; coméntollo aos veciños se os vexo.

➤ 11.- Polo **grupo municipal do BNG** formula as seguintes preguntas orais:

- Cal foi a participación na I pedalada solidaria? Por qué se efectuou o sorteo dunha bicicleta? Canto se recadou no sorteo?

O concelleiro Carlos Alberto Guerra resposta que a inscrición foi gratuíta a cambio de traer alimentos. Todos os inscritos recibiron un número para participar no sorteo da bicicleta. Recolléronse aproximadamente 100 kg de alimentos e participaron arredor de 85 persoas.

- A concelleira de cultura foi algunha vez ao consello escolar? Por qué non informou ao pleno do que alí se trata? Cal é o traballo desenvolvido por esa concellaría no último ano?

A concelleira aludida, Tamara Paz Balsa, resposta que foi ás reunións do consello escolar sempre que foi convocada, e que alí os temas que tratan son acerca do menú do comedor escolar e calquera tema que teña que ver co colexio.



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

- É responsabilidade do clube de Fútbol de Cabreiros ou do Concello de Xermade estender o material de recheo situado diante o campo de fútbol da Acea? Se é responsabilidade do concello, cando ten pensado levar a cabo o traballo tendo en conta que o vindeiro sábado haberá un partido de fútbol do trofeo Manuel González no campo da Acea e no vindeiro mes comeza a liga?

O Sr alcalde resposta que é responsabilidade do concello e o material será estendido nos vindeiros días, antes do partido.

- Nunha moción presentada polo grupo do BNG no pasado pleno do mes de xuño o equipo de goberno comprometeuse a facer as xestións oportunas coa Deputación Provincial de Lugo para levar a cabo as edicións impresas dunha selección dos traballos presentados e premiados nas dúas edicións que tiveron lugar ata a data dos premios Xermade na Historia, que hai de dito compromiso?

O Sr alcalde resposta que se falou coa Deputación de Lugo e senón farase cargo o concello.

- A Deputación de Lugo continúa tendo a imprenta que tiña fai uns anos? Debe terse en conta que os autores dos traballos deben contar cun tempo para preparar os mesmos antes de plasmarlos no libro e a obra debía estar feita antes do III Premio Xermade na Historia.

O Sr alcalde resposta que sí, que o teremos en conta, e a Deputación continúa tendo a imprenta pero con menor actividade.

- Cando ten pensado a Deputación Provincial continuar coas obras da estrada Momán – Airios? Tanto o tramo no que comezaron as obras como o resto da estrada prometido?

O Sr alcalde reposta que o tramo en obras teñen previsto asfáltalo nas próximas semanas e os outros tramos ilos levando a cabo segundo haxa orzamento. Que se fixeron xestións para que se fixesen máis de 2 km en xullo deste ano.

- Nos pasados días volveron fallar varias canles de televisión incluso nas vivendas onde foi instalado o filtro, é debido ás interferencias do 4G? que poden facer os veciños?

O Sr alcalde resposta que sí, é debido ás interferencias e débese volver chamar ó número de teléfono facilitado polo concello para que volvan aos domicilios.

- No pasado mes de febreiro tivo lugar unha xuntanza entre os grupos políticos e os torneiros para tratar de buscar financiación para a celebración do encontro, a data de hoxe conseguiu dita financiación?

O Sr alcalde resposta que o encontro será financiado pola Xunta de Galicia (artesanía), deputación de Lugo e Concello de Xermade.



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

- Dado que o señor alcalde participou unha entrega de trofeos no partido celebrado entre o clube de fútbol de veteranos de Momán e un grupo de veciños de Piñeiro. Que custe tiveron os trofeos?

O Sr alcalde di que foron doados pola comisión de festas de Piñeiro, o concello simplemente agasallou cun prato co escudo do concello.

- Relacionada co cambio de ubicación de colectores do que levábamos pregunta:

Solicitamos o cambio de ubicación doutro colector de vidro que se atopa enriba da beirarrúa ó lado da farmacia e buscar outra ubicación ó grupo de colectores que se atopa diante o colexio xa que impiden a visibilidade no cruce.

- Sabe cales son as funcións do técnico de emprego?

O Sr alcalde resposta que, entre outras,, a de informar e solicitar subvencións.

Non habendo máis asuntos que tratar, o Sr. Presidente levanta a sesión, sendo as vinte e unha horas e dezaoto minutos do expresado día. Autorízase a presente acta coa sinatura do Alcalde e do Secretario accidental, que da fe.



Asdo.: Roberto García Pernas.



Asdo.: Ernesto Ares Yañez.